



Broj: 01-50-1-15-35/08

Sarajevo, 9. oktobra 2008. godine

DOM NARODA  
PARLAMENTARNE SKUPŠTINE  
BOSNE I HERCEGOVINE

**PREDMET: O b a v j e š t e n j e**

Predstavnički dom Parlamentarne skupštine Bosne i Hercegovine je, 24. septembra i 7. i 8. oktobra 2008., održao 35. sjednicu. Na sjednici su, uz ostalo, razmatrani materijali koji su u nadležnosti i Doma naroda, kako slijedi:

1. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga zakona o izmjenama i dopunama Zakona o zaštiti prava pripadnika nacionalnih manjina po hitnom postupku, u skladu s članom 127. Poslovnika,
2. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga odluke o izmjenama i dopunama Odluke o osnivanju Vijeća nacionalnih manjina BiH po hitnom postupku, u skladu s članom 127. Poslovnika,
3. Prijedlog zakona o programu zaštite svjedoka u Bosni i Hercegovini (prvo čitanje),
4. Prijedlog zakona o genetski modificiranim organizmima (prvo čitanje),
5. Prijedlog zakona o Agenciji za razvoj informacionog društva BiH (prvo čitanje),
6. Prijedlog zakona o dopunama Zakona o izmirenju obaveza po osnovu računa stare devizne štednje, predlagач: Vijeće ministara BiH (prvo čitanje),
7. Prijedlog zakona o izmjeni Zakona o klasifikaciji djelatnosti u BiH (prvo čitanje),
12. Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru za period od 1.9.2007. do 29.2.2008.,
13. Godišnji izvještaj o napretku (praćenje provođenja Akcionog plana 1 Strategije reforme javne uprave u Bosni i Hercegovini - materijal Vijeća ministara BiH),
14. Imenovanje člana Upravnog odbora Javnog radiotelevizijskog servisa BiH iz reda ostalih (rang-lista Regulatorne agencije za komunikacije BiH),
15. Davanje saglasnosti za ratifikaciju:
  - a. Sporazuma između Bosne i Hercegovine i Kraljevine Danske o olakšicama kod izdavanja viza,
  - b. Sporazuma između Bosne i Hercegovine i Kraljevine Norveške o olakšicama kod izdavanja viza,
  - c. Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koji predstavlja Ministarstvo zdravlja, vezano za određena prava korištenja AR-DRG sistema klasifikacije,
  - d. Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenta za pretpristupnu pomoć – Komponenta II prekogranična saradnja,
  - e. Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenta za pretpristupnu pomoć – Komponenta II prekogranična saradnja,

- f. Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija,
- g. Konvencije o dostavljanju u inozemstvo akata u građanskim i trgovačkim stvarima - Hag 15. novembra 1965.,
- h. Konvencije o pribavljanju u inozemstvu dokaza u građanskim i trgovačkim stvarima - Hag 18. marta 1970.,
- i. Sporazuma o izmjenama i dopunama broj 1. na Ugovor o zajmu od 1. augusta 2006. između BiH i Evropske banke za obnovu i razvoj – Projekat upravljanja zračnim saobraćajem,
- j. Sporazuma o zajmu, finansiranju i projektu između KfW Frankfurt na Majni i Bosne i Hercegovine, Federacije BiH i Elektroprivrede Hrvatske zajednice Herceg Bosne (EP HZB) – Obnova Hidroelektrane Rama.

### **Ad. 1. i 2.**

Predstavnički dom usvojio je zahtjeve Zajedničke komisije za ljudska prava, prava djeteta, mlade, imigraciju, izbjeglice, azil i etiku iz ovih tačaka, a nakon toga su usvojeni:

- Zakon o izmjenama i dopunama Zakona o zaštiti prava pripadnika nacionalnih manjina i
- Odluka o osnivanju Vijeća nacionalnih manjina BiH.

### **Ad. 3. do 6.**

Predstavnički dom je u prvom čitanju usvojio:

- Prijedlog zakona o programu zaštite svjedoka u Bosni i Hercegovini,
- Prijedlog zakona o genetski modificiranim organizmima,
- Prijedlog zakona o Agenciji za razvoj informacionog društva BiH,
- Prijedlog zakona o dopunama Zakona o izmirenju obaveza po osnovu računa stare devizne štednje - predlagač svih ovih zakona je Vijeće ministara BiH.

### **Ad. 7.**

Na ovoj sjednici odgođena je rasprava o Prijedlogu zakona o izmjeni Zakona o klasifikaciji djelatnosti u BiH (prvo čitanje) zbog odsustva predstavnika predlagača.

### **Ad. 8.**

Predstavnički dom usvojio je Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru za period od 1.9.2007. do 29.2.2008., s Mišljenjem Zajedničke komisije za odbranu i sigurnost, dakle, kako je Zajednička komisija navela u svom mišljenju, kao i zaključak sadržan u Mišljenju Zajedničke komisije.

### **Ad. 9.**

Predstavnički dom primio je k znanju Godišnji izvještaj o napretku (praćenje provođenja Akcionog plana 1 Strategije reforme javne uprave u Bosni i Hercegovini - materijal Vijeća ministara BiH), uz zaključke koje je Domu predložila nadležna Ustavnopravna komisija, sljedećeg sadržaja:

- **Potrebno je inicirati održavanje sjednice Koordinacionog odbora za ekonomski razvoj i evropske integracije s ciljem rješavanja identificiranih problema, osiguranja daljnjeg koordiniranog pristupa i nastavka političke podrške provođenju reformskih mjera (u skladu sa Zajedničkom platformom o principima i metodi primjene Akcionog plana 1 Strategije reforme javne uprave u BiH);**
- **Od institucija i organa uprave na nivoima obuhvaćenim Strategijom reforme javne uprave zahtijeva se viši stepen saradnje i odgovornosti u provođenju reformskih mjera, razmjeni i dostavljanju informacija s ciljem efikasnijeg koordiniranja i praćenja pokrenutih i ostvarenih aktivnosti;**
- **Neophodno je ojačati poziciju i ulogu koordinatora za reformu javne uprave, naročito Vlade Federacije BiH i Vlade Republike Srpske i unaprijediti koordinaciju ostalih struktura za primjenu**

**mjera i aktivnosti iz Akcionog plana 1 koju čine imenovani predstavnici Vijeća ministara BiH, Vlade Federacije BiH, Vlade Republike Srpske i Vlade Brčko Distrikta u BiH;**

- **Potrebno je nastaviti razvijati mehanizme koordiniranja i konsultacija organa uprave svih nivoa zbog usaglašenog djelovanja prema donatorima i efikasnijeg korištenja donatorske pomoći.**

#### **Ad.10.**

Za člana Upravnog odbora Javnor RTV sevisa BiH, s rang-liste Regulatorne agencije za komunikacije BiH, imenovan je **Mirko Vuković**.

#### **Ad. 11.**

Predstavnički dom dao je saglasnost za ratifikaciju svih sporazuma i konvencija iz ove tačke.

Radi znanja obavještavamo vas i sljedeće:

1. Predstavnički dom je, na prijedlog Zajedničke komisije za evropske integracije, koja je razmatrala zaključke predložene na 10. zajedničkoj sjednici oba doma Parlamentarne skupštine BiH, održanoj 30.7.2008., povodom rasprave o realizaciji obaveza iz Sporazuma o stabilizaciji i pridruživanju, usvojio zaključke sadržane u Mišljenju pomenute komisije od 10.9.2008., koje je dostavljeno i Domu naroda.

2. Nakon razmatranja mogućnosti za nastavljanje procedure za imenovanje ombudsmena za ljudska prava BiH i zamjenika generalnog revizora iz bošnjačkog naroda, Predstavnički dom je, u skladu s članom 165. Poslovnika, usvojio zaključak da se pristupi postupku usaglašavanja različitih odluka Predstavničkog doma i Doma naroda. S ciljem realizacije ovog zaključka, Predstavnički dom imenovao je po tri člana u zajedničke komisije oba doma, i to:

a) u Zajedničku komisiju radi usaglašavanja imenovanja ombudsmena za ljudska prava BiH imenovani su: Ekrem Ajanović, Drago Kalabić i Velimir Jukić;

b) u Zajedničku komisiju radi usaglašavanja imenovanja zamjenika generalnog revizora iz bošnjačkog naroda imenovani su: Šemsudin Mehmedović, Vinko Zorić i Hadži Jovan Mitrović.

Predstavnički dom svojim zaključkom sugerira Domu naroda da postupi na isti način.

S poštovanjem,

**PREDSJEDAVAJUĆI  
PREDSTAVNIČKOG DOMA  
Niko Lozančić**